



Broj: 17-06-1-02-3-200/16
Datum, 26.10.2016. godine

Na osnovu člana 15. Zakona o Graničnoj policiji Bosne i Hercegovine ("Službeni glasnik BiH" broj: 50/04, 27/07 i 59/09) i člana 69. stav (2) tačka a) i člana 70. Zakona o javnim nabavkama Bosne i Hercegovine («Službeni glasnik BiH» broj: 39/14), direktor Granične policije Bosne i Hercegovine, d o n o s i

O D L U K U

I

Prihvata se preporuka Komisije za javnu nabavku, da se okonča, odnosno poništi konkurentski postupak za nabavku usluga izrade idejnog projekta telemetrijskog sistema za komunikacionu mrežu Granične policije Bosne i Hercegovine iz razloga što nije pristigla nijedna prihvatljiva ponuda.

II

Odluka stupa na snagu danom donošenja.

O b r a z l o ž e n j e

Granična policija BiH Odlukom broj: 17-06-4-16-2-188/16 od 27.09.2016. godine pokrenula je konkurentski postupak za nabavku usluga izrade idejnog projekta telemetrijskog sistema za komunikacionu mrežu Granične policije Bosne i Hercegovine. Na javnom otvaranju ponuda održanom 19.10.2016. godine konstatovano je da je u ostavljenom roku pristigla samo jedna ponuda i to od „MIBO Komunikacije“ d.o.o. Sarajevo.

Na sastanku Komisije 21.10.2016. godine kada je izvršen pregled ponude, komisija je konstatovala da pristigla ponuda nije prihvatljiva iz razloga što Ponuđač nije dostavio kopije ugovora uz potvrde o uspješno realizovanim ugovorima kako je traženo tačkom 12. Tenderske dokumentacije, kao i ovjerenu potvrdu o položenom stručnom ispitu ili rješenje o oslobađanju polaganja stručnog ispita za diplomiranog inženjera elektrotehnike, smijer telekomunikacije, kako je takođe traženo tačkom 12. Tenderske dokumentacije.

Članom 69. stav (2) tačka d) Zakona o javnim nabavkama Bosne i Hercegovine propisano je da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.

Na osnovu naprijed navedenog odlučeno je kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi BiH u roku od 5 (pet) dana od dana prijema Odluke. Žalba se predaje putem Granične policije Bosne i Hercegovine.

DOSTAVITI:

- ☞ Ponuđaču
- Odsjek za poslove nabavke i logistike
- a/a

DIREKTOR
Glavni generalni inspektor

Zoran Galić